

Siunnersuummut oqaaseqaatit

Oqaaseqaatit nalinginnaasut

1. Inatsisissatut siunnersuutip tunuliaqutaa

Siunnersuummut tunngaviuvoq umiarsuaatileqatigiiffiit kalluarneqartut kissaatigisimammassuk periaatsip maanna atortinneqartup sanngeequtaasa anigorneqarnissaat. Piffissaq akitsuummik akiliisussanngorfik maanna atuutilersarpoq piffissami pisat nunanut allanut anninneqarfianni imaluunniit inummut pingajuusumut tunineqarfianni. Pissusiviusoq tassaavoq pisarineqarsimasunit ikinnerusut akitsuutaat akilerneqartarluni, tassami aalisakkat tunineqartinnatik amerlanertigut tunisassiareqqaarneqartarput. Aammattaaq qalerallit Kalaallit Nunaanniit anninneqartut amerlanertigut ingerlatseqatigiiffissuup iluani nuunneqartarput, taamaattumillu fakturaliaasimasuni akii piffissami anninneqarfianni niuernerme akiinit allaanerusarlutik. Ingerlatseqatigiiffissuup iluani akigititat aalajangersarneqarsimappata tamanna aallaavissamik naatsorsuinnermut sunniuteqarsinnaavoq.

Piffissap akitsuummik akiliisussanngorfiup piffissamut pisaqarfiusumut siuartinneratigut, kiisalu qalerallit akiisa sorliit akitsuutip angissusiata allanngortinnerani ilanngunneqartussaanerisa allanngortinnerisigut akitsuusigassat amerlissapput.

Inatsit akuersissutigineqareermat nunat tamat aalisarneq pillugu isumaqatigiissutaat naapertorlugit aalisarnerup akitsuuserneqannginnissaanik aalajangersagaq paasiuminnaannerarlugu isornartorsiuisoqarpoq. Tamannattaaq allannguutissatut siunnersuutikkut aaqgeriarneqarpoq.

Allannguutissatut kissaatigineqartut Naalakkersuisunit nalilersorneqarput, inerneraalu inatsit landskarsimut isertitassatigut annaasaqaataanngitsumik allaffissornikkullu pisarissersuutaanngitsumik allanngortinneqarsinnaasoq. Pingaartumik akitsuummik akiliisussanngorfiup siuartinneqarnera nalequttuuserineqarpoq, akitsuusigassammi tassuunakkut pisassiissutaasimasunut qaninnerpaaajussamata, taamaakkaluartorli pisassiissutit tamakkerlugit pisarineqanngitsoorsinnaanerit eqqumaffigineqarluni.

2. Inatsisissatut siunnersuutip imarisai

Siunnersuut inatsimmi maanna atuuttumi arlalitsigut allannguinnermik imaqarpoq, taakku ilaat isertitassatigut annikitsumik kinguneqassanganneqarluni, sinnerilu teknikkimut tunngasuunerullutik.

Kalaallit Nunaata aalisarneq pillugu nunanut allanut isumaqatigiissutai naapertorlugit akitsuusiinnginnissamik aalajangersakkap erseqqissarneqarnissaa siunnersuutaavoq.

Piffissap akitsuummik akiliisussaataalerfiup piffissamut pisaqarfiusumut siuartinneqarnissaa aammattaaq siunnersuutaavoq. Maleruagassat atuuttut malillugit piffissaq akitsuummik akiliisussaataalerfik tassaavoq piffissaq qalerallit inummut pingajuusumut tunineqarfiat imaluunniit nunanut allanut anninneqarfiat. Siunnersuutip kingunerissavaa akitsuusigassat tassaassasut aalisakkat piffissami pisarineqarfimmini oqimaassusiat, tassa imaappoq aalisakkat piffissami kilisaammut qaqinne-

qarnerminni oqimaassusiat. Tassuunakkut soorlu erlavii – amerlanertigut kasiilerneqartartut – akitsuusigassanut ilaaneq ajorput. Pisat aalisarnermik nakkutilliisoqarfimmut nalunaarutigineqartartut akitsuusigassanut, Akileraartarnermut Aqutsisoqarfimmut nalunaarutigineqartartunut sanilliunneqarsinnaalernissaat siunnersuutikkut anguneqassaaq.

Akinik naatsorsuinermi tunngaviusup aaqqinneqarnissaa siunnersuutaavoq, tassa akitsuut qalerallit Danmarkimiit nunanut allanut tunineqartartut akiisa allanngorarnerannut naapertuuttumik aaqqillugu. Taamaaliornikkut akit allanngorarnerisa akitsuummut tunngaviusumik allanngorartitsisuusut nunaarsuarmi akit allanngorarneri malinnerulissavaat.

Siunnersuutip inatsimmut atuuttumut sanilliunneqarnera	
<i>Oqaasertalersornera atuuttoq</i>	<i>Siunnersuut</i>
	§ 1 Qalerallit avataasiorluni aalisarnermi pisarineqartut akitsuutaat pillugu Inatsisartut inatsisaanni nr. 11, 3. december 2012-imeersumi makku allannguutigittinneqarput:
§ 1. <i>Imm. 2.</i> Nunani allani nunamiluunniit maani oqartussaasut Naalakkersuisunit pisassinneqarsimasut akitsuummik akiliissanngillat.	1. § 1, imm. 2, ima oqaasertaqassaaq: ” <i>Imm. 2.</i> Naalakkersuisut aamma nunami maani, nunalluunniit allat sinnerlugit oqartussaasut aalisarnej pillugu isumaqatigiissutaat naapertorlugit aalisarnej inatsimmi matumani pineqanngilaq.”
§ 2. Akitsuummik akiliisussaatitaaneq atuutilissaaq piffissami pisat nunanut allanut annineqarfianni imaluunniit inummut pingajuusumut tunineqarfianni.	2. § 2 ima oqaasertaqassaaq: ” § 2. Akitsuummik akiliisussaatitaaneq atuutilissaaq piffissami pisat pisarineqarfianni.”
§ 3, imm. 3, oqaaseqatigiit siulliit. Qalerallit akiisa allanngorarnerannut tunngaviussaaq qalerallit Kalaallit Nunaanniit nioqqutigineqarneranni aamma nunanut allanut tunineqarneranni akit allanngorarnerat.	3. § 3, imm. 3, oqaaseqatigiit siulliit, ima oqaasertaqassapput: ” Qalerallit akiisa allanngorarnerannut tunngaviussaaq qalerallit Danmarkimiit nioqqutigineqarneranni aamma nunanut allanut tunineqarneranni akit allanngorarnerat.”
	§ 2 Inatsisartut inatsisaat 1. januar 2014-imi ator-

3. Pisortanut aningaasatigut allaffissornikkullu sunniutissai

Allannguutissatut siunnersuutip isertitassatigut 5 %-it missinginik amerlissutaanissaa naatsorsuutigineqarpoq, tassaatinneqarluni aalisakkat pisarineqarnerminni oqimaassusiisa aammalu tunisassiari-neqareerlutik nunamit anninneqartut oqimaassusiisa nikingassutaat.

Inatsisip allannguutaasa allaffissornikkut taasarialinnik sunniuteqarnissaat naatsorsuutigineqanngilaq. Taamaattorli nakkutilliineq pitsaanerulissanganneqarpoq, tassami akitsuusigassat aalisarnermik nakkutilliisunut nalunaarutigineqartartunut naapertuunnerulissammata, tassungami nalunaarutigineqartussat aamma tassaammata pisarineqartut amerlassusii.

4. Inuussutissarsiutinik ingerlataqartunut aningaasatigut allaffissornikkullu sunniutissai

Pisarineqartut amerlassusii nunamit anninneqartut tunineqartulluunniit amerlassusiinit qaffasinne-
ruppata tamanna umiarsuaatileqatigiiffiit akitsuusigassaasa qaffasinnerunerannik kinguneqassaaq. Tassuunakkummi umiarsuaatileqatigiiffiit akiliinerusassapput. Tamatuma akitsuutitigut isertitassanut 5%-it missinginik amerlissutaanissaa nalilerneqarpoq.

Inuussutissarsiutinik ingerlataqartunut allaffissornikkut taasarialinnik sunniuteqarnissaa naatsorsuutigineqanngilaq. Immaqa allaffissornikkut suliassartai annikillisinnaapput, umiarsuaatileqatigiiffiimmi pisat amerlassusiinik nalunaaruteqartussaareerput, taamaammallu umiarsuaatileqatigiiffiit allaffiisa nakkutilliinermi oqartussaasunut aammalu Akileraartarnermut Aqutsisoqarfimmut pisisaaffiisa assigiinnissaat naatsorsuutigineqarsinnaalluni.

5. Avatangiisinut, pinngortitamut inuillu peqqissusiannut sunniutissai

Siunnersuut avatangiisinut pinngortitamullu sunniuteqassanganneqanngilaq.

Siunnersuut innuttaasut peqqissusiannut sunniuteqassanganneqanngilaq.

6. Innuttaasunut sunniutissai

Siunnersuut innuttaasunut sunniuteqassanganneqanngilaq.

7. Sunniutissai pingaarutilit allat

Siunnersuut allatigut pingaarutilinnik sunniuteqassanganneqanngilaq.

8. Oqartussaasunik aamma soqutigisaqatigiinnik il.il. tusarniaaneq

Siunnersuut piffisami 2013-imi 24. juni-miit 25. juli-mut ukununnga tusarniaassutigineqarpoq:

KANUKOKA, Kalaallit Nunaanni Sulisitsisut Peqatigiiffiat (GA), Nunaqavissut Suliffiutillit Kattuffiat (NUSUKA), Sulinermik Inuussutissarsiuteqartut Kattuffiat (SIK), KPMG Grønland, Deloitte, Grønlands Revisionskontor, Inuussutissarsiornermut, Aatsitassaqaarnermut Sulisoqaarnermullu

Naalackersuisoqarfik, Aalisarnermut, Piniarnermut Nunalerinermullu Naalackersuisoqarfik aamma Ineqarnermut, Pinngortitamut Avatangiisinullu Naalackersuisoqarfik.

Aamma inatsisissatut siunnersuut oqaaseqaatitaalu internetikkut tusarniaasarfimmi tamanut saq-qummiunneqareerput.

Tusarniaanermi piffissaliussap naanerani akissutisiffiqineqarsimapput Ineqarnermut, Pinngortitamut Avatangiisinullu Naalackersuisoqarfik, SIK, Kalaallit Nunaanni Sulisitsisut Peqatigiiffiat (GA) aamma Aalisarnermut, Piniarnermut Nunalerinermullu Naalackersuisoqarfik,.

Tusarniaanermi akissutigineqartut pingaarnersaat makkuninnga oqaaseqaateqarfigineqarput:

Akitsuutip aalisakkat piffissami pisarineqarfianni oqimaassusiat tunngavigalugu naatsorsorneqarnissaanik siunnersuut GA-p isumaqatigaa. Sorpiaalli akitsuusigassaanerat taakkulu qanoq naatsorsorneqarnissaat siunnersuummi erseqqissumik nassuiarneqanngitsoq GA-p oqaatigaa. Taamaammat akitsuutip pisassiissutit ilaannit nunami tunisassiorfinnut tulaassassaannigitsunit akilerneqartussaanerata allassimanissaa GA-p inassutigaa.

Aalisakkat piffissami pisarineqarfimminni oqimaassusiisa, tassa imaappoq aalisakkat piffissami kilisaammut qaqqinneqarfimminni oqimaassusiisa akitsuusigassaanerat oqaaseqaatini maanna erseqqissarneqarpoq. Erlavii, niaqui, paperui il.il. taamaalillutik akitsuusigassanut ilaalerput.

GA-ttaaq inassutigaa akitsuummik naatsorsuinissami aallaavissap naatsorsornerani kalaallit aalisa-gaataat tunngavalugit pissasoq, tassa danskit aallaaviannut maanna atuuttumut taarsiullugu. Erseqqinnerusumik oqaatigalugu GA-p inassutigaa aallaavik J-cut-it aamma aalisakkat ilivitsut tunngavigalugit naatsorsorneqassasoq, soorluttaaq aallaavik nalunaarutit kukkuneruiusunit uppersarneqarsimasut aamma umiarsuaatileqatigiiffiit tunisinerminni akigititaat kvartalikkaartut tunngavigalugit naatsorsorneqassasoq. Imaluunniit aallaaviup lastip imarisaasa tamarmik nalingat nunamut tulaassanik ilanngagaq tunngavigalugu naatsorsorneqarsinnaanera GA-p siunnersuutigaa.

Aallaavimmik naatsorsuisarnerup ingerlatseqatigiiffissuit iluanni akigitinneqartartunit sunnerneqaratarsinnaanerata minnerpaatinnissaa Naalackersuisut kissaatigaat, imaanngimmammi taakku nunarsuarmi niuernerme akit assigiuaannaraat.

Danmarks Statistik-ip qalerallit ilivitsut (aammalu immaqa J-cut-it) akiisa allanngorarneri pillugit paasisutissaataanik tunngaveqarluni aallaavimmik naatsorsuinikkut ingerlatseqatigiiffissuit ilu-minni akigititaasa sunneeratarsinnaanerat millisinneqassaaq.

Aalisarneq pillugu siunnersuisooqatigiit siorna oqaluuserisaat GA-p naggasiilluni innersuussutigai, inassutigaa qalerallit avataasiorluni pisarineqartartut tuniuminarnerulersinniarlugit suliniuteqar-nissaq pilersaarutaareersoq piaarnerpaamik ingerlanneqaqqullugu.

Pineqartoq taanna aalisarneq pillugu politikimi oqaluuserisanut nalinginnaasunut ilaajumaarpoq.

Aalisarnermut, Piniarnermut Nunalerinermullu Naalackersuisoqarfiup tusarniaanermut akissummini oqaatigaa akitsuutip naatsorsorneqarnissaani oqimaassuseq sorleq tunngaviginiarneqarner-soq paasi-

uminaatsuusoq. Naalackersuisoqarfiup tassunga atatillugu oqaatigaa inuussutissarsiummik taassu-
minnga ingerlataqartut assigiinngitsunik nioqutissiortuusut, nioqutissiallu tamaasa immikkut
naatsorsuinnermut tunngaveqartinneqartut.

Akitsuummik naatsorsuinissaq pillugu GA-mut akissut qulaaniittoq innersuussutigineqarpoq.

Ineqarnermut, Pinngortitamut Avatangiisinullu Naalackersuisoqarfik aamma SIK siunnersuummut
oqaaseqaatissaqanngillat.

Aalajangersakkanut ataasiakkaanut oqaaseqaatit

§ 1-imut

Nr. 1-imut

Aalajangersakkami erseqqissarneqarpoq Naalakkersuisut aalisariutinut EU-meersunut russinulluunniit aalisarsinnaanermik akuersissutinik tunniussigaluarpataluunniit, aalisariutit taakku inatsit naaperlugu akitsuummik akiliisussaataaassanngitsut. Tamanna inatsimmut maanna atuuttumut oqaaseqaatini allassimareerpoq, maannali erseqqissaanissaq pillugu inatsimmi erseqqissarneqarluni.

Nr. 2-mut

Aalajangersakkap kingunerissavaa akitsuummik akiliisussaanagerup piffissamut pisarinearfiannut siuartinneqarnissaa, tassa piffissamut anninneqarfiannut tunineqarfiannulluunniit taarsiullugu. Qaleralit erlaviikkat ilivitsuutillugit qerititat maanna tunineqartarput, taamaammat aalisakkap ilai taakku akitsuuserneqartaratik. Aalisagaq nerpiinnanngorlugu suliaasaraluartoq sulii niaqui, paperui qimerluilu anninneqartarput, taamaattumillu naatsorsuutigineqarpoq erlavii kisimik akitsuusigassanut maanna ilanngunneqarneq ajortut. Piffissaq akitsuummik akiliisussanngorfissaq pisarinearfiannut siuartinneqarpat pisassiissutigineqartut amerlanersaasa akitsuuserneqartarnissaat qulakkeerneqasaaq. Allannguinerit pitsaaqutigaat akitsuummik naatsorsuinerup nakkutilliinerullu pisariinnerulernissaat.

Inatsimmik allannguinikkut pisassiissutinik atuisarneq aamma akitsuusigassat assigiinnerulissapput, tamannalu Naalakkersuisut inuussutissarsiummillu taassuminnga ingerlataqartut 2012-imi upernaakkut isumaqatigiinniarnernanni naatsorsuutaareersimavoq.

Nr. 3-mut

Aalajangersakkami ”Danmarkimiit akia”-nik allassimalersitsineq ingerlatseqatigiiffissuit iluanni akil allanngorarsinnaanerisa aallaaviup naatsorsornissaanut sunniuteqarnissaannik pinngitsoortitsiarnerneruvoq. Naatsorsuutaavoq aallaaviup nunarsuarmi niuernermi akinut assingunerulernissaa allannguutip kingunerissagaa.

Danmarks Statistik-ip qalerallit ilivitsut akii, aammalu J-cut-it pillugit paasissutissat pissarsiarineqarsinnaassappata taakku pillugit paasissutissaatai aallaavimmik naatsorsuinermi tunngavigineqasapput.

§ 2-mut

Ikaarsaariarnermi aalajangersakkamik ilanngussisoqarpoq, tassa akitsuusigassat 1. januar 2014 aal-
larnferfigalugu allanngortinneqarmata, tak. nr. 2. Umiarsuaatileqatigiiffiit taamaalillutik akiligassaat
tassaavoq inatsisip atuutilerana sioqqulluguli amerlassutsit amerlaqataannut akitsuut. Taamaattorli
amerlassutsit tamarmik aalajangersagaq nutaanngitsoq malillugu 2014-ip kvartaliata siulliup naane-
rani tunineqarsimasutut isigineqassapput, tassa nioqqutissiat tunineqaratik uninngasuutigineqartut
siunissamut sumorsuaq aaqqissuussineq nutaanngitsoq malillugu pineqaqqunagit.